



**Kamis, 02 Februari 2023**

**Ogen: Hosea 5:4-7**



**“Singambati Ndahi Dibata”**



**K**ejahatan ras dosa si ilakoken manusia erbahansa lanai ngasup ngidah sura-sura Dibata. Salah sada kejahatan si seh asa gundari megati idalanken i bas perkembangan teknologi e me nambah man "berhala". Berhala jaman gundari enda lanai bo bagi penembahen sindekah saja, e me: nambah ku kayu, er bahan persembahen ku kerangen janah mulahi manuk mbentar entahna pe batu galang, tapi penyembah berhala jaman gundari e me: kuasa, erta ras pemakaian alat-alat teknologi (android). Erkiteken kuasa i bas diri sekalak jelma, lupa ia maka lit Dibata si lebih erkuasa asangken kuasa/jabatenna; erkiteken erta entah pe ndarami nambah man Dibata; erkiteken androidta lupa bagi waktunta erkeluarga terlebih-lebih er-Dibata. Tole kuasa ras erta erbahanca lanai ngasup engkuasai diri emaka ipakeken entah pe iambur-amburna ertana lako mpesenang-senangken dirina ras pasangan si labo pasangenna, turah kiniganjangen ukur.

Bangsa Israel pe ngelakoken si la ngena ate Dibata, e me perukuren kerna erlua-lua, kiniganjangen rukur dengen nambah man berhala-berhala. Lit bahanna dibata-dibata sideban ndabuh ia dengen dongkang bas dosa sibagenda rupa. Kinilasetiaan bangsa Israel erbahanca sinursurna labo sikerajangen Dibata janah erta-ertana (taneh) pe irampas kalak.

Kai-kai saja si ngambati kita lako reh ndahi Dibata, pedauhlah e ibas geluhta nari gelahna sidat kedamen dengen kemalem en ate sienggo isikapken Dibata man banta.